

清代名人軼事

里。今暢春苑。卽兩園舊址。玉苑。平怡園。亦然所作。吳梅村爲南垣作傳。而世遂謂假山創自南垣。非也。唐人詩中。咏假山者最多。晉會稽王道子開東第。築山於府城內。武帝嫌其修飾太過。道子甚懼。晉武陵王賁有怨心。名其後堂曰首陽山。其山來久矣。不獨宋之花石綱也。梅村傳中。述連語云。吾以此術游江南。數十年中。名園別墅。屢易其主。名花奇石。經吾架搆。未幾而他人登去。復爲位置者亦多矣。晉人詩云。終年累石如恐叟。倏忽移山是化人。又云。荷杖有兒扶。薄醉調南垣父子也。

長生殿傳奇

趙秋谷執信。以丁卯國喪。赴洪防思。謁長生殿。劇。被黃給事大鴻勳罷。時徐勝力編修嘉炎亦與譏。對簿時。賂聚和班優人。詭稱未與得免。郝人有口號云。國服雖除未滿喪。何如便入戲文場。自家原有三分錯。莫把彈章怨老黃。秋谷才華迥絕倫。少年科第儘風流。可憐一勳長生殿。斷送功名到白頭。周王廟祝本輕浮。也向長生殿裏遊。抖擻香金求脫網。聚和班裏製行頭。徐豐頤修髯。有周道士之稱。後官學士。聞黃給事由知縣行取入京。以土物並詩稿遍贈諸名士。至秋谷答以東云。土物拜登大稿壁。謝黃銜之刺骨。故有是勳。

南田老人

南田老人惲壽平。以丹青傳。食於郡縣。偶至泗州。州牧留住城隍廟。幕友紳耆。或以絹素求畫。勾留月餘。每夕聞殿上折獄聲。嗣又聽議事聲。紛紜雜沓。雖聽不甚真。若有重大情事者。疑此州必將有變。思他適。而州牧因公赴

省乃與司事者謀舟資買棹。臙城下擬次日行。忽三鼓聞殿上傳呼曰：時至否？似有人答曰：畫師憚某未出城。和尙某未進城。須稍待。出視殿上。闕寂無人。大懼。立索輿乘舟。甫至城門。見一僧迎面來。益懼。促輿夫速行。及登舟。忽聲如巨炮。從地中起。回視城郭。已成巨浸矣。

### 陳學士單條

清初陳學士大喻。草書單條一幅云。嚴君平。司馬相如。楊子雲。皆不復出。凡十四字。背臨右軍。而勁裝古服。似從柳公權出。學士不以書名。而筆力卓絕如是。必傳之作也。相傳學士初入學時。年十九。偶病劇。夢紫衣僧。自稱元圭大師。握其手曰。汝背我到人間。盍歸來乎。陳未及答。僧笑曰。且住且住。汝尙有瓊林一杯酒。瀛臺一碗羹。吃了再來未遲。屈其指曰。此別又需十七年也。言畢而去。陳驚醒。病遂瘳。已未成進士。入翰林。官至侍讀學士。年三十六歲。病痢不休。因憶前夢。笑謂家人曰。大師未來。或又改期未可知。一日辰起。焚香沐浴。索朝衣冠著之。曰。大師已來。吾去矣。跣趺而卒。

### 成親王書法

成親王禕。永理。爲純皇十一子。善書法。幼時握筆。卽波磔成文。少時工趙文敏。又嘗見康熙中某內監。言其師少時。猶及見董文敏。握筆惟以前三指握管。懸腕書之。故王推廣其語。作發燈法。談論書法具備。名重一時。士大夫得片紙隻字。重若珍寶。上特命刊其帖。序行諸海內。以爲榮云。